

## Tractatus Juridicus Ad Librum III. Decretalium Gregorii IX. Clericorum in communi, nec non Prælatorum, ac Capitulorum in specie obligationes, & jura complectens

# Scharz, Oddo Salisburgi, 1738

§. III. In quo vitæ, morúmque honestas Clericis præscripta consistat?

urn:nbn:de:hbz:466:1-63800

tutio poenalis esse videatur; adeóque extra casus expressos non extendenda sit per cap. 15. 8 49. de R. J. in 6. cap. 18. dift. 1. de Panit. quia tamen ratio in cit. cap. expressa etiam in præsenti hypothesi obtinet, scilicet fraudulenta receptio frustuum, eadem quoque obtinebit dispositio. Est equidem inter DD. communiter receptum, quod lex pœnalis ad eum quoque casum extendatur, in quo eadem ratio legis reperitur. V. Panormit. in cap. fin. de Rescript. n. 10. & feq. Thom. Sanchez. de Matrim. lib. 3. disp. 42. n. 4. Imo, ut notat Garzias de Benefic. part. 3. cap. 4. n. 40. cit. cap. non est Constitutio nova, sed juris veteris Divini, & naturalis duntaxat declarativa, quo jure fraus omnis taliter prohibita est, ut exinde oriatur obligatio justitiæ ad restituendum, quod fraudulenter, adeoque sine titulo, & jure receptum eft.

Dubitabis IV. An, qui beneficium eo animo acceptat, ut illud tamdiu retinere velit, quoad pinquius eidem obvenerit, aut, si non habeat animum residendi, peccet, & teneatur dimittere beneficium? Hoc dubium proponit

Panormitanus in cap. 4. de Cleric. non resid. num. 7. Et sic resolvit: Malignam omnino esse ejusmodi intentionem, ait, & consequenter talem beneficiatum peccare, utpote, qui non minus suæ Ecclesiæ, eum qua quo !damodo contrahit matrimonium spirituale, perpetuo cohabitare tenetur, atque maritus suæ uxori in matrimonio carnali per cap. fin. de Condit. apposit. & cap. 39. C. 7. Q. r. & contentus suo beneficio esse debet, sicut maritus sua uxore; nam quisquis, ait Apostolus, debet esse contentus ea vocatione, qua vocatus est. Beneficium tamen propterea dimittere non tenetur, sed potest hoc peccatum ambitionis per pœnitentiam rursus eluere, instar illius, qui per simoniam mentalem beneficium obtinuit; taliter enim delinquens potest per solam ponitentiam suo satisfacere Creatori, ut loquitur Pontifex in cap. ult. de Simon. Et hanc resolutionem notari vult Panormitanus, quia, inquit, in multis casibus practicari potest, maxime in juvenibus, qui assumunt beneficia, non quod babeant animum clericandi, fed ut ex eis vivant in juventute.

## S. III.

In quo vita, morumque honestas Clericis prascripta consistat?

#### SUMMARIA.

24. Cur Clerici singulari morum bonestate ornati esse debeant, ratio exponitur. 25. Ea est duplex interna, & externa. 26. Internam preprimis conciliat puritas Conscientie. 27. Propterea olim etiam publice pomitentes ad SS. Ordines non admittebantur. 28. Interna mentis puritas etiam meditatione, & lectione SS. Scripturarum pascitur. 29. Externa morum bonestas in tribus consistit. 30. Jubentur Clerici à crapula, & ebrietate sibi cavere. 31. Vitare popinas, & tabernas publicas. 32. Ab bistrionum spectaculis abesse. 33. Aleas, & alios lusus,

qui fortuna magis, quam arte reguntur, fugere. 34. Arma quóque portare, nist defensionis gratia ipsis non convenit. 35. Honestas Clericorum etiam commendatur per decentem babitus gestationem. 36. In quibus casibus non gestare habitum Clerico fraudi non est? 37. Potest subinde Laicis probiberi, ne adinstar Clericorum vestiantur. 38. Clericos non decet nutrire comam, Es prolixam serve barbam, Es quare? 39. Quid de Capillitio sido? 40. Debent abstinere, ab omni eo, quod fastum, Es seculi pompam redolet. 41. Ossicium Clericorum proprium est, statis boris Divinas Laudes dicere. 42. Quando borarum Canonicarum usus cæperit? 43. Bæbmerus vitam Canonicorum libere carpit. 44. De Emancipatione Canonicorum, unde ortum babeat? 45. De initiis Ordinum militarium remissive.

Uoniam Clerici specialiter in fortem Domini adlecti funt, & tanquam duces & magistri laicorum constituti; ideo præprimis convenit, ut morum honestate, vitæque integritate refulgeant, quatehus laici corum exemplo ad Christianæ pietatis, virtutisque studia incitati, meliora. (monente Apostolo 1. Cor. 12.) semper charismata æmulentur: nam, ut ait S. Augustinus: Vita Clericorum est eruditio aliorum, & assidua salutis predicatio. Quapropter etiam Concil. Trid. Seff. 14. de Reformat. in Proæm. gravi oratione hortatur Episcopos, ut frequenter Clericos suos moneant, quatenus conversatione, sermone, & scientia commisso sibi populo præeant, memores ejus, quod scriptum est : Sancti estote, quia ego sanctus fum. Et juxta Apostoli vocem 2. Corinth. 6. Nemini dent ullam offensionem, ut non vituperetur ministerium eorum, sed in omnibus exhibeant se, sicut ministros DEI &c. Et sane, sicut præposterus foret ordo, si servus esset major domino suo, & discipulus supra magistrum; ita ignominiæ res plena foret, si Clerici se à laicis morum honestate, vitæque probitate vinci paterentur. Audiatur S. Hieronymus in cap. 21. C.8.

Q. r. Qualis adificatio erit discipuli, si se intelligat magistro esse majorem? Undenon solum Episcopi, & Presbyteri, & Diaconi debent magnopere providere, ut cuntum populum, cui prasident, conversatione, sermone, & scientia pracedant, verum etiam & inferior gradus: Exorcista, Letores, Aditui, Acolythi, & omnes omnino, qui domui DEI serviunt, quia vehementer Ecclesiam DEI destruit, meliores esse laicos, quam Clericos.

Ut porrò Clerici vocationi suæ ex 25 æquo satisfaciant, duplici morum honestate præfulgere debent, interna, inquam, & externa. Illa veluti extremè odit peccata, ita studiosè declinat, & fugit, quidquid conscientiam vel leviter temerare, & inquinare potest. Otiosa nunquam est, sciens scriptum esse Eccl. 33. v. 29. Multam malitiam docuit otiofitas. Sed cum venerabili BEDA Presbytero fanctioribus studiis occupata, femper legit, femper scribit, semper docet, semper orat, non ignara, quod amator scientiæ salutaris vitia carnis facile superet. Hæc externo homini ad regulas honestatis formando, & componendo tota intenta est, memor illius moniti Apostolis, & in ipsis universo Clero à Christo dati. Matth. 5. v. 146

F 3

e-

ţ-

0

Ì

a

e-

2-

a

C

n

Î=

n

14

1-

Į...

į-.

Į.

Sic luceat lux vestra coram bominibus ut suscipere, qui dudum suerint vasa vitiovideant opera vestra, & glorificent Patrem vestrum, qui in cælis est. Et, quod monet Apostolus ad Tit. cap. 2. v. 7. 88. In omnibus præbe te ipsum exemplum bonorum operum - - - verbum sanum, & irreprebensibile, ut is, qui ex adverso est, vereatur, nibil babens malum dicere de

nobis.

Et quidem, ut de utraque morum honestare in particulari loquamur, ante omnia studendum est Clerico, habere conscientiam à peccatorum sordibus mundam, & nitidam. Fuga peccati, & occasionum, quibus in illud delabi contingit, Clerico suprema lex esse debet, ne alias, si in hoc studio socordem fe præbeat, illud Prophetæ dictum in co impleatur : Sacerdotes ejus polluerunt sanctum, injuste egerunt contra legem. Sophon. 3. v.4. Et quæ non corruptio timenda in populo, vitiis corrupto Clerico? Audiatur Concilium Aquisgranenfe Anno 816. celebratum : Nemo amplius nocet in Ecclesia (sunt verba Concilii) quam qui perverse agens nomen, vel Ordinem sanditatis babet : delinquentem namque bunc nemo redarquere prajumit, & in exemplum culpa vebementer extenditur, quando pro reverentia Ordinis peccator honoratur.

Eapropter Majores nostri tam in Oriente, quam Occidente peccata in Clero adeò deteltati funt, ut illos quoque à SS. Ordinibus arcerent, qui fua delicta pœnitentia publica eluissent. Post ponitentiam (ait Siricius Epist. 1. cap. 14.) ac reconciliationem nulli unquam Laico liceat bonorem Clericatus adipisci, quia, quamvis sint omnium peccatorum contagione mundati, nulla tamen debent gerendorum Sacramentorum instrumenta rum. Hoc ipfum decreverunt PP. in Concilio Nicano I. Can. 9. 85 feq. In Concilio Illyberitano Can. 30. & Toletano IV. Can. 19. Et, quanquam hic rigor primitivæ Ecclesiæ jam Sæculo X. remiserit, teste Ivone Carnotensi Epift. 225. & S. Anselmo Cantuariensi Lib. 1. Ep ft. 56. & hodiedum admittantur, qui condigna, eaque secreta pœnitentia crimina fua purgaverint, illud tamen nec hodie remissum est, ut, qui pluribus antea spurcitiis animam fuam inquinarunt, peracta levi pœnitentia, se mox Episcopalium manuum impositioni subjicere, & recenter è vitiis emerfi thuribulo manum admovere audeant, Non enim satis est (scribit S. Bernardus ad Brunonem, qui reus occultorum scelerum ad Archi-Episcopatum Coloniensem promotus fuerat) peccatorum venia, ut quis ad SS. Ordines, vel ad regimen animarum promoveatur, sed insuper ea morum probitas requiritur, quæ tum pænitentiæ, tum aliis pietatis operibus aucta, probatave fuerit. Recensebo ipsius S. Bernardi verba, quæ objectioni horum impurorum ad SS. Ordines, vel dignitates Ecclesiasticas temere adspirantium reponit: Aliud est, celerem adipisci veniam peccatorum, aliud & de ipsis sceleribus ad infulas provebi dignitatum. Responsum hoc duplici exemplo confirmat: Video, inquit, Mattheum de telonio ad Apostolatus culmen assumptum: sed boc me rur-Sum conturbat, quod non prius audierit cum cateris Co-Apostolis suis, ite in orhem univerfum, predicate Evangelium omni Creature, quam egerit premitentiam, multo labore sequendo Dominum, quocunque iret, permanens cum eo in tentationibus suis. Si de faculo quoque factus repente Paulus, repente vas electionis, repente Doctor gentium, in exemplum adducitur: hoc exempli evacuat similitudinem, quod ideo ille misericordiam consecutus sit, quia ignorans, ipso teste, peccavit, manens in incredulitate, quanquam, si tale quippiam quandoque bene, & utiliter factum fuisse agnoscitur, de quo veraciter dici possit : bæc est mutatio dexteræ excelsi, non tam exemplum, quam miraculum afferre debeat. Quodsi igitur peccatorum turpitudo Patribus primitivæ Ecclesiæ tam abominabilis visa est, ut nequidem eos ad SS. Ordines admitterent, qui salutari pœnitentiæ lavacro admissas noxas jam eluissent; facile quisque perspiciet\_, quantæ abominationis fit, videre Sacerdotem, aut alium de Clero peccatis infordescere. Hæc satis, nec plura ad-

n

n

e-

1-

fi

1

ŧ-

ta

1-

t,

m

i-

m

i-

e-

1-

us

0-

(1)

li-

0-

as

m

ve

di

0-

C-

0-

72

ad

m

0,

0-

7-

1772

11-

4-

14-

et,

Si

de

Alterum, quo interna morum ho-28 nestas paratur, est frequens in Divinis laudibus, mentis occupatio, SS. Scripturarum studium, & sedula SS. Patrum, aliorumque spiritualium librorum lectio, & devota ruminatio. His quippe armis vitia expugnantur, virtutes animo implantantur, & denique mortificato veteri, novus homo consurgit, ad imaginem DEI perfecte effi-Unde Innocentius III. ingiatus. cap. 15. b.t. omnibus Clericis præscribit, at se in officiis Ecclesiasticis, & aliis bonis studiis exerceant diligenter. Et PP. Concil. Trid. cit. Seff. 14. in Procem. Ut conversatione, fermone, & scientia commisso sibi DEI populo præeant. Neque enim nascimur spirituales (ut de Poëtis dici solet) sed id multa lectione, meditatione, ac (quod factu optimum est) multa, eaque ferventi rerum spi-

ritualium exercitatione demum confequimur. Hinc S. Leo I. ad Marcianum, & Faustum Presbyteros scribens, ait: Bonorum operum, & spiritualium studiorum DELIM auctorem effe, non dubium est, qui, quorum incltat mentes, adjuvat actiones. Ejusmodi ergo studiis, piisque exercitationibus innutriatur animus Clerici necesse est, ut internus animi nitor etiam in actiones externas prodeat, fiatque Clericus lucerna ardens, & lucens, quæ non fibi folum, fed aliis quoque ardeat, & luceat. Lucernas quippe in manibus tenemus (funt verba Gregorii bomil. 13. in Evang.) cum per bona opera proximis nostris lucis exempla monstramus. Quo verò animus Clerici instar lucernæ forinsecus luceat, opus omnino est, ut is hominis quoque externi curam habeat affiduam, vitam, morésque suos omnes taliter componat, ut (sicut loquitur Concil. Trid. Seff. 12. de Reform. cap. 1.) babitu, gestu, incessu, sermone, aliisque omnibus rebus nil, nisi grave, moderatum, ac religione plenum præseferat; levia etiam delicta, que in ipso maxima effent, effugiat, ut ejus actiones cunctis afferant venera-

Consistit autem hæc externa mo-29 rum honestas potissimum in tribus I. in abstinentia ab illis actionibus, quæ status Clericalis honorem vel leviter contaminare possunt. II. In decenti vestitu, & habitu. III. In exercitio officiorum statui Clericali convenientium.

Quod primum attinet, Clerici obligantur I. non tantum castè, sed etiam cautè & extra omnem suspicionem incontinentiæ vivere. Cap. 13. b.t. de qua tamen materia pluribus in tit. seq. agemus.

Et quia crapula, & ebrietas vel maximè libidinis incentivum provocat. Prov. 10. & ad Epbef. 18. & mentis inducit exilium Ofee 4. Hinc II. ab utroque diligenter abstinere, Clericos & vinum fibi, séque vino temperare jubet Innocentius III. in cap. 14. b.t. Illum vero abusum penitus decernit abolendum, quo in quibusdam partibus ad haustus æquales potatores se obligare folent, & ille judicio talium plus laudatur, qui plures inebriat, & calices fœcundiores exhaurit d. cap. 14. appolita etiam pæna suspensionis ab officio, & beneficio, si quis à superiore commonitus non resipuerit. Interim hanc constitutionem pro Germanorum genio nimis rigidam ita attemperat Zypæus in Analysi Jur. Pontif. ad b. t. n. 8. Ut scribat, posse ejusmodi haustus honoris, aut votivæ falutationis gratia (modo adhibeatur hæc cautela, ne quis inebrietur) licitè institui. Quæ circa\_ hoc punctum Bohmerus nostris Canonicis in J. 69. & seq. improperat, erubesco referre. Parco interim temulento ejus calamo, dum crapulam exhalaverit. Quæ verò Italus ille Germanis ob innatam ad pocula fympathiam vel per jocum, vel per farcasmum objectavit, fine scrupulo recenseo. Sic ergo

Germani possunt magnos tolerare labores.

O utinam possent tam benè ferre sitim!

Huic tamen è vessigio, nec minori acumine Germanorum nonnemo respondit:

Ut nos dulce merum, fic vos Venus improba vexat. Lex posita est Veneri Julia, nulla mero.

III. Prohibetur etiam Clericis po-ji pinarum & tabernarum frequentatio, nisi itineris causa illuc divertere oporteat cap. 15. b.t. non enim sine dedecore status sui, & scandalo populi ejusmodi loca frequentantur à Clericis. Hodie enim tabernæ, prô dolor! fachæ funt loca intemperantiæ, & fomenta incontinentiæ. Arg. l. 29. C. ad leg. Jul. de Adult. cum Gloff. ibid. 1.4. 1.2. ff. de bis, qui notantur infam. 1.43. S. f. ff. de Rit. nupt. quæ olim neceffitatis causa institutæ fuerunt. 1.6. 1.3.ff. Nauta caupones &c. Unde Boëtius Epo ad dict. cap. 19. n. 11. deplorandus, ait, Clericorum, etiam Presbyterorum mos invaluit, in tabernis publicis, tum cerevifiariis, tum vinariis compotandi, quæ magna præter alias populo rudi occasio fuit, vituperandi status, ac ordinis Ecclesiastici vilipendendæque disciplinæ Ecclesiasticæ. Plura circa hoc punctum vide apud Bernard. Van-Espen J. E. V. Part. I. tit. 2. 9. 4. & segg.

IV. Interdicitur Clericis in citat. 11 cap. 15. b.t. ne mimis, joculatoribus, histrionibus, & id genus aliis hominibus vilissimis, gesticulationibus, nugis, & jocis suis quastum facientibus, intendant, quia solent frequentius ludicra, & obsecena exercere, quapropter in cap. 37. dist. 5. de Consecr. Jubentur Clerici, si similia spectacula in convivis exhibentur, de mensa surgere, & abire. Quin etiam in cap. 12. b.t. pro-

hibetur, ne in Ecclesiis ludi theatrales fiant, ipfique Clerici infame sue ludibria exerceant. Quod tamen intelligendum elt de ludis inhoueitis; honelti & pietatem concitantes etiam in loco fancto fieri posse, autumat P. Layman ad cit. cap. num. 1. Vide tamen Gonzalez ad d. cap. n. 6. ubi exponit, quomodo fideles olim Sanctorum folennia non folum Divinis Laudibus in Ecclesia celebrarint, fed etiam ludis, & aliis lætitiæ argumentis. De ludis quibusdam inhonestis, olim à Clericis exercitis, videri etiam possunt statuta Concilii Andegavenjis cap. 6. quæ reperiuntur. tom. 19. Concil. edit. Venet. Ex eodem capite jubentur Clerici evitare illa convivia, in quibus aut amatoria cantantur, aut obscæni motus corporum choreis, & saltationibus efferuntur. cap. 19. dift. 34. Item ipfis sub poena privationis privilegii Clericalis gravissime interdicitur, ne arrem joculatoriam exerceant. cap. 1. b.t.

11-

0-11

0,

or-

-0

IS-

is.

fa-

60-

C.

id.

m.

1C-

6.

) ë=

0-

es-

nis

vi-

er

u-

ici

11-

ud

I.

at. 31

15,

ni-

is,

11-

li-

er

ur

vi-

80

0-

11-

V. Prohibentur in cit. cap. 15. Clerici ad aleas, & taxillos (per quos omne genus lusus, quod magis fortuna, quam arte regitur, & jure quoque civili, saltem propter abusum, & alia vitia, quæ eundem comitari folent, prohibitum legitur in l. 1. & 3. C. de Aleat.) ludere, fub poena suspensionis ab officio, & benesicio in cap. 11. de Excess. Pralat. Decreta; luius tamen Schaccorum five Latrunculorum, ut vocant, & alios, qui arte, & ingenio diriguntur, sub hac prohibitione non contineri, refolvit Panormit. ad d. cap. 15 n. 4. modo ludatur non voluptatis, aut avaritiæ, sed recreationis causa; & ne longius tempus in ludendo inutiliter conteratur : Litteratis tamen viris ne hos quidem lusus

convenire, arbitratur Barbof. J. E. V. lib. 1. cap. 40. n. 69. eò, quod mentem litterarum studiis jam fatigatam cessatione magis, & quiete recreare, quàm novo meditationis labore gtavare oporteat. Quam acriter S. Petrus Damiani quemdam Episcopum, latrunculis ludentem, corripuerit, lege apud Schilterum Prax. Jur. Rom. Exercit. 21. s. 21.

Denique cum honestate Clericali 34 non convenit, gestatio armorum, quia Clericorum arma funt dolor, fletus, orationes, & lachtymæ cap. 3. 6 23. 6.23. Q. 8. quia vero temporibus Ludovici Imperatoris, ut refert Aymonius, Episcopi, & Clerici passim armati incedebant, hinc in cap. 2. b. L. ipiis arma gestare sub anathematis interminatione interdictum est. Quod etiam Monachis interdictu legitur in Clem. r. S. quia verò de Stat. Monach. hoc folo discrimine, quod Monachi, si contravenerint huic Statuto, fint ipfo facto excommunicati; Clerici verò per Sententiam excommunicari jubeantur in cit. cap. 2. b.tit. Interim hæc Lex non stringit in casu necessitatis, aut pericult (ut in obsidione, aut si iter per loca latronibus infesta faciendum sit) ubi & Clericis, & Monachis arma portare, isque se defendere impune licet-

Alterum, quod externam morum 35 honestatem in Clericis commendat, est statuti conveniens habitus & tonsura: Statutum quippe est in cap. 15. b. tit. Clem. 2. Eod. Trid. Concil. Sess. 14. de Resorm. cap. 6. ut Clerici in sacris constituti, & benesiciarii, tametsi Minoribus tantum Ordinibus initiati sint, vessem, & coronam Ordini suo congruentem deserant, pæna suspensionis à Benesicio, Officio, & Ordinibus in

transgressores, imò privationis etiam in correptos, & non emendatos decreta. Ratio redditur à Concil. Trid. cit. loc. ut per decentiam habitus extrinseci morum bonestatem intrinsecam ostendant. Primis quidem saculis non legitur, Clericos quoad vestimenta à Laicis fuisse discretos, sed morem hunc à Monachis, maxime illis, qui ad Episcopales infulas fuerunt assumpti, pedetentim traductum suisse ad Clericos, perhibent Thomassin. Vet. & Nov. Eccl. Discipl. part. r. lib. 2. cap. 43. & seq. & Alexander Natalis Histor. Eccles. tom. 4. Sacul. 4. cap. 5. art. 7.

Cirea ipfa vero Clericorum vestimenta, cum certa forma in jure determinata non reperiatur (ut testatur Glossa penult. in Clem. 1. de Elect.) usui, & consuetudini Provincia, in qua commorantur, deferendum effe, cum aliis existimat Barbosa J. E. V. lib. 1. cap. 40. zum. 20. modo vitetur nimia brevitas. eap. penult. b.t. quia, nisi usus contrarium habeat, vestis Clerici ex Constitutione Sixti V. quæ incipit: Sacrofan-Sta Sc. 18. Jan. 1589. Talaris effe debet, & insuper color non alius, quam niger servetur; rubeus enim color Cardinalibus, & viridis, aut violaceus Episcopis tantum est permissus. Menoch. de A.7. Q Q. caf. 392. n. 12. Præterea, ut à vestimentis Clericorum omnis mundana absit vanitas, præscribitur, in sæpe cit. cap. 15. b.t. ut vestes ipsorum non fint virgatæ hoc est, non diversicolores, aut flores panno intextos, vel per artem fuperinductos habentes, quia, ut inquit Anicetus Papa, sicut discreti esse debent in conversatione; ita & in omni habitu apparere debent.

Cæterum, quia nec vestis Clericum, nec habitus Monachum facit, cultúsque corporis, ac vestimentorum ex se indifferens est; imò Clericorum honestati convenit, ut vestitu decenti Ordinis sui dignitatem tueantur, prædicta non eo rigore accipienda funt, quali omnis nitor honestus in Clericis improbetur, fed potius ornatus tantum fuperfluus, fæculi vanitatem redolens. Quapropter in hoc passu (ut notat Zypaus in Consult. Canon. b.t. in fin.) potiffimum ad confuetudines locorum attendendum est, quidnam mores, & æstimatio populi pro indecenti habeant; aut, num fortaffe Episcopi certum vestimenti genus huic vel illi loco conveniens sub dictis pænis determinave-

Cum superius dictum fuerit, Cle- 16 ricos in facris constitutos, aut beneficia, dignitatésque Ecclesiasticas obtinentes, si habitum Clericalem non deferant, incurrere pænas à Concil. Trid. cit. Seff. 14. cap. 6. Statutas, quæritur jam, an dicta Constitutio pro omni casu obtineat, num verò aliqui reperiantur excepti, in quibus Clerico impunè sit habitum non gestare? Respondeo, nec hanc Regulam (ut nulla alia) tam firmam effe, quin suas patiatur limitationes, & fallentias. Fallit igitur I. in eo, qui rarius vestes Clericales deponere solet; etenim Constitutio hæc ponalis de eo Clerico exaudienda est, qui quasi constanter sine habitu Clericali incedit, ita, ut passim, & communiter habeatur pro Laico. Fallit II. in Clerico, quem egestas adeo premit, ut vestem Ordini suo congruentem sibi comparare nequeat, fed Laicalibus dono fibi oblatis contentus esse debeat. Fallit III. qui domi sua, adeóque quasi in occulto vestes Clericales non gestat. Fallit IV. si ob instans grave periculum habitum mutare, & Laicum simulare cogatur. Fallit V. in Missionariis Apostolicis, qui, ne impediantur in negotio conversionis, quandóque personati incedere debent, uti contingit in Anglia, Hollandia, & aliis quóque Provinciis Germania heterodoxa. De his fallentiis consulendi sunt Zypaus in Analys. Juris Pontisic. lib. 3. ad tit. prasent. Piasecius in Praxi Episcop. part. 2. cap. 3. & alii a Barbos. ad cit. cap. Trid. relati.

Hinc rurfus alia quæstio exoritur: An laicis prohiberi possit usus illius habitus, quem solum Clerici, non autem laici deferunt? Hanc quæstionem proponit Card. de Luca in annot. ad Concil. Trid. Discurf. 24. n. 24. & affirmative resolvit, adeo quidem, ut, si ejusmodi habitus etiam ex alio capite de jure scripto laicis effet concessus, uti v.g. veftis talaris Doctoribus competit, in illa tamen Religione hoc privilegio Doctores laici non utantur, sed instar aliorum locorum vestes breviores deferant, & soli Clerici talariter incedant, eo inquam casu recte prohibeatur laicis usus vestimentorum Clericalium. Hujus fuæ resolutionis duplicem reddit rationem. 1. Quod pro more illius regionis usus vestis talaris non amplius obtineat, sed jus scriptum hac in parte per consuetudinem contrariam jam sit abolitum. II. Ut avertatur scandalum, quod laici, maxime, qui de infima plebe funt\_, eiusmodi antiquæ eruditionis ignari, facilè fibi fumerent, videndo laicum, qui in eo habitu faciat eos actus, qui laicis licent, Clericis autem omnino il-

liciti sunt. Tale scandalum, inquity fermè omnes patiuntur advenæ, qui Romæ, de consuetudine urbis nondum informati, vident medicos, procuratores, aliósque curiales, vestibus ad similitudinem Clericalium indutos cum mulieribus, & adolescentulis palam incedere, aut curru vehi, ideóque scandalizantur, opinantes hos esse Parochos, vel in aliqua dignitate Ecclesiastica constitutos. Unde hæc prohibitio in illis locis non obtinet, ubi periculum ejusmodi scandali non versatur.

Ad externam Clericorum honesta-38 tem & illud spectare videtur, ut nec promissam barbam ferant, nec capilli capitis muliebriter defluant. Ita equidem statutum legimus in cap. 5. b. t. Clerici nec comam nutriant, nec barbam. Miraris fortaffe hoc statutum, ac ex me quæris: quid ad honestatem Clericalem confert, barbam & comam dimittere, aut nutrire, cum utrumque fit unum ex adiophoris, & indifferentibus? imo, quis nescit, barbam promissam antiquis Philosophis præcipuum decus fuisse: Unde Persius Socratem Philosophum laudaturus Satyra 4. vers. 1. ita cecinit:

### BARBATUM HOC CRE-DE MAGISTRUM DI-CERE.

Quin si primorum Christianorum mores spectemus, indubium est, ipsum servatorem nostrum, ejusque Apostolos barbam non rasisse, teste Nicephoro lib. 1. cap. 40. & lib. 2. cap. 37. Quod etiam Successorum Pontisseum imagines vetustæ, teste Ciaconio, ostendunt, & orientalium consuetudo, de qua Baronius ad Annum 58. luculenter consir-

36

mat; unde videri posset, hujus statuti utilitatem, & rationem in l. 20. ff. de LL. esse quærendam, ubi scriptum est: Non omnium, que à majoribus nostris statuta sunt, ratio reddi potest. Sed vehementer falleris, qui præcipiti adeo judicio hunc Canonem damnas. Audi rationem, cámque politivam. Canon hie fuit editus in Concilio Carthaginensi, ut patet ex inscriptione, propter Eutychitarum, & Massilianorum Hæreticorum fectas, qui negabant, operandum esse manibus propriis, intonsi prolixam comam, & barbam alebant, ut testatur Epiphanius Hæres. 80. & eos facete carpit S. Augustinus de opere Monach. cap. 30. Ne igitur Christiani cum Hæreticis istis facerent, prudentissime statuit, barbam esse tondendam. Interim, dum & comam, & barbam nutriendam Concilium vetuit, excessum duntaxat prohibuit, ne scilicet Clerici (ut ait Canisius ad b. t. n. 9.) modo plane muliebri, & effæminato eam nutrirent, mediocriter ali posse non interdixit, id quod ex variis Conciliis oftendit eruditissimus SS. Canonum interpres Gonzalez ad cit. cap. 5. b. t. n. 5.

Sed quid de crinibus supposititiis, sive Berruca, ut vocant, quam hodie passim à Clericis gestari videas, num usus iste probari, vel potius reprobari debeat? Respondeo, si id siat ex justa, & rationabili causa, putà valetudinis conservandæ gratia, usus comæ sictitæ non videtur esse reprobandus, cum sia res prorsus indisferens, gestare, aut non gestare ejusmodi capitis tegumentum. Poterit tamen vitium contrahere, si id siat vanæ gloriæ, aut ostentationis gratia, & sub hoc respectu omninò Clericis usus Berrucæ vetitus est. Interim

omnes Clerici, etiam in dignitate conflituii, interdictum sibi esse noverint, ejusmodi crine supposititio uti, dum sacris operantur. Id quippe nemini sas esse citra dispensationem Apostolicam, resolutum susse à Sacra Rituum Congregatione 31. Jan. 1626. & mandato novissimo Innocentii XII. confirmatum resert P. Reissenstuel ad b.t. s. 3. n. 92.

Ad confervandum præterea in Clero morum honestatem illud maximopere conducere videtur, ut earum rerum usu abstineant, quæ fastum, pompam, ac vanam ostentationem præseferunt. Eapropter in cap. 15. b.t. cautum fuit, ne Clerici gestent annulos in digitis, nisi quibus ex officio competit, ut Prælatis, Doctoribus &c. Panorm. ibid. n.7. quia annuli, utut ad fignandas litteras principaliter adhiberi foleant, tempore tamen Innocentii III. qui hujus Canonis auctor est, jam compertum fuit, quod ad ornatum duntaxat, & vanam oftentationem annulorum usus inter Clericos invaluerit. Ex eqdem capite dictus Pontifex in cit. cap. fibularum, & corrigiarum ex auro, vel argento usum Clericis interdixit, quin, si equo iter facerent, ne calcaria deaurata adhiberent, quia ejusmodi apparatus superfluitatem, & vanitatem redolet. Vid. Gonzalez ad cit. cap. 15.

Tertium, quod vitam, & honesta-40 tem Clericalem apprime commendat, est, Divina Officia cum gravitate, & reverentia sedulo obire, ac præterea ab exercitio ejusmodi officiorum, & negotiationum, quæ statui suo dehonestamento esse possunt, abstinere. Quæ officia in specie, quásque negotiationes Clerico exercere vetitum sit, ex par-

te jam in superioribus libris dictum est, & in sequentibus, maximè tit. ult. hujus Libri adhuc dicetur. Interim confulendus est Barbosa J. E. V. lib. 1. c. 40. per tot.

Ouod attinet Divinum Officium, in quo Clericos jugiter occupatos esse convenit, illud cumprimis declarare oportet. I. Quid intelligatur per Divinum Officium? II. Quando cœperit in Ecclesia frequentari? III. Quare statis per diem vicibus? IV. Quid Mysterii lateat in septenario Horarum Canonicarum numero? V. Quare Clericis præ Laicis studium, & exercitium hujus Orationis magis commendatum esse debeat. VI. Quando, & quo jure ad Divina Officia persolvenda Clerici obligari cœperint, De singulis breviter.

Per Divinum Officium intelligimus 42 certas preces, quas non muta duntaxat animi voce, fed linguæ quoque ministerio quotidie ad DEUM estundimus. Hunc fibi cultum à creatura rationali exposcit DEUS, non modo, ut auctor & principium ejus est, aut ut ab eo largitatis munificentia locupleta, & in benedictionibus dulcedinis præventa est, sed ut is in se ipso bonus est, adeóque laudabilis, & gloriolus, & superexaltandus in sæcula. Dicuntur autem istæ preces Divinum Officium per quandam eminentiam, quatenus nempe illæ continent verba à Spiritu S. immediate dictata, quibus mens suaviter irrorata Hostiam laudis, fructum labiorum confitentium nomini ejus offert. Dicuntur etiam hæ preces Officium Ecclesiasticum, quatenus ab Ecclesia ordinata, & mirabili modo dispositæ fuere. Vocantur bore Canonice, quia certis horis

juxta præscriptum SS. Canonum recitandæ. Denique Breviarium indigitantur, eo quod sint brevis summa, & compilatio eorum, quæ ad laudem. DEI, gratiarum actionem, & nostram institutionem pertinent. Castropalae Tom.2. disp.2. de Orat. Giribaldus in decem Præcept. Decal. Trast.5. cap. 3. dub.1. num. 1.

Divinæ laudes, quibus adoleverint incunabilis, si scire aveas, dico, eas cum ipso mundo initia habuisse, cultúmque hunc ab Adamo, Protoparente nostro cœpisse, teste Cyrillo Alexandrino lib. 3. in Julian. Id quod etiam Paraphrastes Chaldaus indicare videtur, qui Pfalmo 91. hunc titulum præfixit: Laus, & canticum, quod dixit bomo primus in die Sabbati. Quod Diving cultus Studium deinceps per Patriarchas, & Prophetas usque ad Christum fuit propagatum, prout idiplum fulius exponit Cardin. Bona Tract. de Divin. Pfalmod. cap. 1. f. 3. Sed ut fieri amat, ut nihil, quamprimum natum est, protinus politum, perfectumque fit, led res omnes certa habeant principia, certos progressus, certásque ætates; ita quoque Divina Laus suis in initiis adhuc rudis, & imatura, decursu temporum nonnihil politior, & orta demum Ecclesia suam consecuta est perfectionem. Debent ergo sua primordia bora Canonica, prout funt certæ preces ad laudandum DEUM certis horis institutæ, ipsis Apostolis, velut id ex Tertulliano lib. de Jejun. cap. 10. demonstrat Thomassinus vet. & nov. discipl. Eccles. part. 1. lib. 2. cap. 73. Act. enim 3. legitur: Petrus, & Joannes ascendebant ad boram orationis nonam. Qui ritus colendi, & laudandi DEUM continuate fæculorum serie in Ecelesia semper retentus, & usque ad nostra tempora propagatus suit, ut mox laudatus Card. Bona cit. cap. J. 4. erudito calamo prolixè demonstrat. Et quidem, si officis hujus primam institutionem attendimus (ait Van-Espen J. E. V. part. 2. tit. 17. cap. 2. J. 9.) illud non tam in Cleri, quam Laicorum ædisicationem, & gratiam institutum intelligitur. Id quod etiam asserit laudatus Thomass. cit. cap. 73. Videatur S. Thomas 2. 2. Q. 83. art. 12. & Joannes Gérsonius in

Alphabeto Lit. N.

Cur verò Divinæ Laudes statis in Ecclesia horis persolvantur, plurimæ rationes à Patribus afferuntur. Nos, qui pagellarum harum angustiis arctati, prolixius hic & nunc excurrere prohibemur, remittimus cupidum Lectorem, ad sæpe laudatum pientissimum, & literatissimum Cardinalem Bona in d. tract. cap. 2. J. 2. & segq. cujus præterea Ascetica opera Clerico cuicunque familiaria vehementer cupimus, ac proquotidiana spirituali lectione maximoperè commendamus. Hujus interpolatæ Orationis rationem illam duntaxat assignamus, quam in simili S. Leo M. Serm. 4. de Jejun. septimi Mensis reddit, ut seilicet anima, que terrenis adhuc desideriis implicatur, & curis Sacularibus impeditur, ex intervallo saltem ad Divina re-Spiret.

Similiter Mysteria, quæ septenarius horarum Canonicarum numerus complectitur, susè declarat antedictus Card. Bona cit. Trast. à cap. 4. usque ad cap. 11. inclusive, & Durantus de Rit. Eccles. lib 3. à cap. 3. usque ad cap. 12. Nec non Concilium Aquisgranense Anno 816. celebratum lib. 1. cap. 126. & seq. commu-

niter dicitur, has septem horas esse institutas, ut redemptionis nostræ beneficium ad memoriam reducamus, quæ septem præcipue Mysteriis continetur, quæ à Glossa ad cap. 1. de Celebr. Miss. his versibus exprimuntur:

Hec sunt septenis, propter que psallimus boris; Matutina ligat Christum, qui crè-

mina purgat,

Prima replet sputis, causam dat Tertia mortis,

Seseta cruci nectit, latus ejus Nona bipertit.

Vespera deponit, tumulo Completa reponit.

Jam ratio quoque reddenda est, cur ClericisDivinæ Psalmodiæ studium magis, quam laicis commendatum esse debeat, quæ hæc est, quod Clerici, utpote specialiter in sortem Domini adlecti, & de Christi Sacerdotio participantes, mediatores inter DEUM, & hominem fint constituti; quapropterad eos multò magis pertinet jugiter orandi obligatio, quam ad laicos, quippe qui etiam spem salutis suæ magnam in Clericorum pietate, & apud DEUM intercessione collocatam habent. Quod confirmatur ulterius ex co, quod, cum S. Ambrofius , S. Augustinus , & alii Patres, prout videre est apud Tomassin. cit. cap. 73. n. 4. & feq. Populum ad laudes Divinas in Ecclesia cantandas crebrius adhortati fint, idem Divinæ servitutis pensum à Clericis exegisse tanto minus dubitandum est, quanto certius ipfis constabat, Apostolos omnes à se abjecisse sollicitudines, & occupationes, ut uni incumberent, séque totos dederent orationi, & prædicationi: & quidem orationi ante, quam prædicationi. Unde dicebant: Orationi, & ministerio verbi instantes erimus. Act. 6. v. 4. Ab hoc Apostolorum exemplo habent Clerici, quod fumant documentum, omnes sacerdotales functiones postponendas esse orationi, háncque iplis interprimas curas effe debere præcipuam, ut actionibus suis omnibus, & Præsidem, & comitem semper adhibeant orationem, ut eas regat, illuftret, & novo, colestique semper vigore vegetet. Id quod non tam de oratione privata, quam de publicis precibus, quas Clerici in Ecclesia ad ædificationem populi, & devotionis incitamentum fundunt, intelligendum est. Videatur S. Thomas loco supra cit.

Initium obligationis, qua Clerici ad Horas Canonicas five in Choro cum aliis, sive privatim dicendas adstricti suêre, refert Thomassius cit. lib. cap. 75. Sfegg. Ad Sæculum VI. idque probat ex variis Conciliorum Constitutionibus, & Patrum Sententiis, ex quo subinde consectaneum est, quod pensum Officii Divini Clericis non Jure Divino, sed duntaxat Ecclesialtico impolitum fuerit. Hujus quippe præcepti nullum in Jure Divino vestigium. reperire est, nec etiam ex traditione peti potest, siquidem ex jure hoc non seripto habemus, quòd Laici æque, ac Clerici ad Laudes in Ecclesia dicendas convenerint, neque tamen propterea quisquam dixerit, Laicos ad Horas Canonicas dicendas esse obligatos. Est ergo hæc obligatio juris tantum politivi, & Ecclesiastici, ut communiter docent Theologi Scholastici, & Morales cum

Bellarmino lib. 1. de bonis operib. cap. 19. & Bonacina Q. 1. pund. 2. n. 2. hæcque obligatio se non porrigit ad quoscunque Clericos, sed tantum, qui in majoribus Ordinibus sunt constituti. cap. 1. & 9. de Celebr. Miss. & cap. 9. dist. 92. & ex antiquissima, ac receptissima Ecclesiæ consuetudine, quæ utpote legitime præscripta, habet vim legis obligantis. Giribaldus cit. Trastat. cap. 3. dub. 2. §. 1. n. 13. Sub qua obligatione Canonici Cathedralium, & Collegiatarum Ecclesiarum ad Horas Canonicas teneantur, dicetur in tt. seqq.

Sed ubi Bohmerus nofter? dormit- 43 ne? Non, dormit, sed, cum dormiant homines, venit inimicus homo hic, & superseminat Zizania: excussis quippe SS. Canonibus, quos in §6. antecedentibus pro norma Clericalis honestatis adduximus, occasionem arripit, Clericorum, maxime autem Canonicorum nostratium mores, vitamque carpendi. Exprobrat ipsis luxum in vestibus. J.55. intemperantiam in conviviis f.69. effrenatam in lufu licentiam f. 72. ufurariam in negotiationibus pravitatem, cujus principaliter Aulam Romanam consuetis convitiis redarguit s. 73. oscitantiam in Divinis, neglectumque piarum exercitationum J. 78. Ego, cum hic, Rubrica agat de bonestate, putida ejus verba referre erubeico. Id duntaxat convitianti Bæhmero repono, quod apud Epictetum in Enchiridio cap. 10. lego: Alios accusare in calamitate sua, bominis est ineruditi : seipsum; ejus, qui erudiri cœpit: nec se, nec alium; eruditi.

Illam imprudentem crifiu dissimulare nequeo, quam de Horis Canonicis facit, dum & illud reprehendit, quod statis horis preces Canonicæ persolvan-

tur, & quod latino tantum idiomate recitentur; cum tamen pro ædificatione populi magis expediret, eas in vernacula dicere. De primo sic scribit 1.93. Judei in precibus fundendis rationem habebant LOCI, & TEMPORIS. Christus verò non adeo superstitiose bis insistendum esse, aperte docet Lucæ 18. v.1. Joan. 4. v.23. Quod etiam Apostolus confirmat, docétque, SEMPER, boc est, non pracise statis boris orandum este. Rom. 12. v.12. Ephel. 6. v. 18. Coloff. 4. v. 2. 1. Theffalon. g. v. 17. Imo crederem, tum Christum, tum etiam Apostolos ideo SEM-PER, & UBIQUE orandum effe docuiffe, ut occurrerent opinioni inveterata, & ex Judaicis institutis à quibusdam adbuc re-tente, precise HORIS STATIS, quibus Ju-

dei orabant, orandam effe.

Hæc oppositio, quæ Bæhmeri ingenium non sapit (ut aliorum Patrum fensa præteream) sola authoritate S. Augustini refellitur; hic equidem S. Doctor Epift. 130. ad Probam honestam viduam fcribens, quid fit semper orare, & cur statis horis preces reassumere conveniat, his verbis docet: In ipfa ergo Fide, & Spe, & Charitate continuato desiderio semper oramus. Quod amplius sic exponit S. Thomas 2.2. Q. 83. art. 14. C. de Oratione, inquit dupliciter loqui possumus, uno modo secundum seipsam; alio modo secundim causam suam, causa autem orationis est desiderium charitatis, ex quo procedere debet oratio: quod quidem in nobis debet effe continuum vel actu, vel virtute; manet enim virtus bujus defiderii in omnibus, que ex charitate facimus, sed ipfa oratio secundim se considerata non potest esse assidua, quia oportet alus operibus occupari. Cur verò statis horis conveniat orare, he consequenter Augusti-

nus explanat: sed ideo per certa intervalla borarum, & temporum, etiam verbis rogamus DEUM, ut illis rerum fignis nos ipsos admoneamus, quantúmque in boc desiderio (Fidei, Spei, & Charitatis, de quo suprà locutus est) profecerimus, nobis ipsis innotescamus, & ad boc augendum nos ipsos acrius excitemus: dignior enim sequetur effectus, quem ferventior pracedit affectus. Et post pauca : sed ideo ab aliis curis, atque negotiis, quibus ipsum quodammodo desiderium tepescit, certis boris ad negotium orandi mentem revocamus, verbis orationis nos ipfos admonentes, in id, quod desideramus, intendere, ne, quod tepescere coperat, omnino frigescat, o penitus extinguatur, nifi crebrius inflammetur. Dic jam Boehmere, quid superstitionis habet, quod per statas temporum vices laudes creatori nostro perfolvamus, & piè semel concepta ad DEUM vota, & defideria spirituali hoc pabulo nutriamus, foveamus, confervemus? Quid judaizat oratio nostra., quod hac in parte imitetur veteris Synagogæ ritum fanctissimum? An in manibus orthodoxi propterea cythara male sonat, quia eam pulsaffe Davidem legimus? Næ tu mihi fuperstitiosistimus mortalium sis, si bis in die refici nolis, quia id à Judæis factum fuisse legis. Si virtus in hoste laudanda est, cur non etiam imitanda? Sed de hoc fatis: pergamus ad alterum.

Bochmerum pessimè habet, quod nos orthodoxi non vernacula lingua Psalmodiæ pensum persolvamus, sed latino duntaxat idiomate. Quid autem hic mali subest? interfuit Pontificis (reponit §. 101.) ne patrio idiomate hore Canonicæ canerentur. Hoc quippe eo sine sactum esse, ait, ut Pontifex

Hie-

Hierarchicum imperium tanto magis dilataret, & stabiliret, obligando alias Ecelesias omnes, ut se ad ritum Ecclesiæ Romanæ componerent. Interim misera plebecula (pergit cit. f.) bisce ludibriis Cleri delusa, ab omni fere exercitio cultus Divini excludebatur, & Horas Canonicas deserebat. Carpit propterea Carolum M. quod Clerum omnem se ritui Romano conformare jusserit, subjungens \$.99. Rectins fine dubio fecisset, si neglectis bisce minutiis, modum cantandi Psalmos, aliosque centus, IDIOMATE PATRIO fingulis Ecclesiis prescripsisset, ut ab omnibus intelligi, simulque antiquo more bi, qui sunt ex plebe, buic Officio in-Infrunitum sane fuit, tereffe potuiffent. eum cantandi modum in Ecclesia stabilire, sujus sensum pauciores babuerunt, adeoque per indirectum ab boc Officio quotidiano excludi debuere. Neque enim Cultus Divinus tantum pro Clericis, eruditisque est institutus, sed pro omnibus, & ita rationi, & Scripture S. conveniens, ut non in alia, quam ea fiat lingua, que omnibus in Ecclefiis familiaris est. Laudat propterea Maximiliani II. studia, qui in Constitutione de Anno 1575. prout apud Goldaftum legitur tom. 3. Constitut. Imperial. fol. 576. vehementer optabat, ut cantus Choralis vernaculo Carmine compositus ad pietatem, & Laicorum adificationem, & devotionem in templis personaret. Sed huic voto paritum non est. Quid Lusherus de nostra Psalmodia fenserit, ex Bohmero refero: Unfere Geiftliche, inquit, die weder betten, lehren, noch lehrnen GOttes Wort, sone dern mit Menschen Desagen sich martern, und im Chor murren und beulen, thaten beffer, bafffie dies weil der Sau huteten im ehelichen

Stand. Tom. 2. Jen. Germ. fol. 292. Hæc satis latine, quamvis patrio sermone ex suili Scrophipascus declamavit Martinus Lutherus. Nos jam Bochmeri, qui ejusdem haræ, & aræ focius

est, grunnitus compescamus.

Quod Ecclesia Catholica preces Canonicas, & Officium Divinum non vernacula cujuslibet gentis lingua, fed fermone duntaxat latino pialli, & decantari jubeat, id haudquaquam fine ratione statuit; & si nulla alia ratio positiva suppeteret, illa sufficeret, quod univerfalis, & antiquissima Ecclesiæ consuetudo sic habeat: contra id autem, quod universa Ecclesia facit, disputare, inso-Ientissimæ infaniæ est, ait S.Augustinus Epift. 118. aut fi idipfum, quod univerfalis Ecclesia tenet, damnare non erubescis, damna etiam Apostolos, & Evangelistas, quod, quanquam variis nationibus prædicaverint, & Ecclesias constituerint, Evangelium tamen, & Epistolas, non idiomare cujuslibet nationis proprio scripserunt (id quod tamen facile facere potuissent, cum haberent donum linguarum) sed aut Hebraico, Greco, aut Latino: scripsisse autem non alio idiomate, quam uno ex his recenlitis, patet ex eo, quod hactenus nullum alicujus Apostoli scriptum, quod non Græce scriptum esset, produci potuerit: nec ullus veterum tradat, Apostolos alia lingua, præter jam nominatas, Epistolas suas exarâsse. Id quod Inculenter oftenditur in Apostolo Paulo, qui Romanis grace scriplit, cum tamen eorum lingua vernacula non esset Græca, sed Latina. Sic etiam Petrus, & Jacobus Judæis per orbem terrarum dispersis duntaxat grace scripserunt, non obstante, quod Judæi id temporis illius 1211-

7-

OC

ię.

3-

172

m

e-

th

17%

0-

7-

11-

e,

t,

T+

7-

d

C

24

1-

11

a

n

1-

ŀ,

C

d

a

tantum nationis idioma callerent, qua cum vivebant, & conversabantur, ideo, dum Jerosolymis sacro Pentecostes die ex omni regione convenissent Judæi, ac, quæ Apostoli græco sermone prædicabant, quisque in fua lingua intelligeret, vehemens eos admiratio incessit. Nonne isti, qui loquuntur, Galilei sunt (ex se mutuo quærebant) & ecce nos audivimus eos loquentes nostris linguis? Quodsi verò ab Apostolis id temere factum non est, quod Epistolas suas, aut ipsa Evangelia non vernaculo cujuslibet nationis idiomate scripferint, etiam Ecclesiæ improperari non debet, quod Psalmodiam in Ecclesia non alio, quam latino fermone perfici decreverit. Sit, ut per hoe Ecclesia Romana Hierarchicum imperium magis firmare intenderit, nihil propterea fraudis ei objici potest: nam ad Ecclesiæ unitatem conservandam, & decorem Cultus Divini quam maxime conducit, ut publicus usus scripturarum; adeoque etiam Psalmodiæ, quæ potissimum ex S. Codice composita est, in aliqua lingua communissima habeatur, quæ etiamnum, & pluribus retro fæculis alia non est, quam lingua latina.

Quod autem per hoc rudior populus ab Officiis Divinis, unà cum Clero decantandis, videatur excludi, ad quæ tamen olim invitabatur, id inanis est objectio. Docuerunt posteriora sæcula, quanti periculi res sit, si promiscuæ hominum sæci accessus pateatad intelligentiam scripturarum. Unde enim hæreses hactenus natæ sunt, quam ex fortuita SS. Litterarum lectione, & temeraria earundem interpretatione. Non quilibet Oedipus est, ut Mysteria in SS. Bibliis recondita suo

unius duntaxat intellectus acumine fecure referet. Davi funt plerique, & tu unus ex illis Bochmere, quod tuæ interpretationes hactenus à nobis castigatæ, satis supérque ostendunt. Quod ergo Ecclesia nolit, Officia Divina vernacula decantari, sapientissimo consilio facit, nè populus ruminando, quod non intelligit, inde sumat errandi occasionem, tum in doctrina fidei, tum in præceptis vitæ, & morum; unde fructum capere sub pietatis Schemate iperabat. Neque tamen per hoc fructu SS. Scripturarum defraudatur, cum\_ fint, qui ipsis sine erroris periculo earundem sensum exponant; ideo Patres Concilii Tridentini in simili de Sacrisicio Missæ decrevere Sess. 22. de Sacrific. Missa cap. 6. ut Sacrosanctum Missa Sacrificium non vulgari lingua, sed latina celebretur, mandat tamen insimul Pastoribus, & singulis curam animarum gerentibus, ut frequenter inter Missarum celebrationem vel per se, vel per alios ex iis, que in Miffa leguntur, aliquid exponant; atque inter catera Sanctissimi bujus Sacramenti Mysterium aliquod declarent, diebus præsertim Dominicis, & Festivis. Veluti ergo populo de fructu Sacrificii nihil decedit, quanquam, quæ ibi latinè à Sacerdote dicuntur, non intelligat; ita nec Orationum Canonicarum fraudantur emolumentis, utut corum, quæ pfalluntur, ignari existant. Quod verò Maximilianus II. vehementer optaverit, ut cantus Choralis in vernacula persolveretur, nihil roboris habet, nec intentum Boehmeri confirmat. Quid enim non egit pientissimus ille Imperator, ut Germaniæ, in sectas turpiter scissæ, unitatem restitueret? & fortassis votorum fuorum damnatus fuisset, si sperari prudendenter potuisset, hac via sectarios ad pacem & unitatem Ecclesiæ sore reducendos. Verum Hæreticis illius temporis, cum nollent intelligere, ut bene agerent, hunc cantum indulgere frustra visum est.

æ

d

-

d

-

n

e

c

u

1-

5

-

1-

1-

n

73

r

5

١.

i

3

ò

1

Hactenus à nobis dicta egregiè confirmat praxis Ecclesiarum Cathedralium, & Collegiatarum, quas protestantes Ecclesiæ Catholicæ primitus per spolium Sacrilegum ereptas, post multas demum lites, multo etiam fanguine madentes, per pacificationes publicas, dum amicabilis compositio lequatur, possidere permittuntur : in\_ his quippe protestantium Ecclesiis hodiedum non alius cantus auditur, quam Romanus; nec alio idiomate pfallitur, quam latino. Et quanquam Behmerus hanc praxin ex eo legitimare velit, quod in plerisque Ecclesiis Canonici Catholici cum Protestantibus commixti fint; adeoque Principes Protestantes ritum Romanum reformare nequeant, eò quod Anno 1624. ibidem observatus suerit, ut cautum est in Instrumento Pacis. J.31. Miramur tamen, quomodo protestantes potuerint salva conscientia, aut etiam salvo honore fuo, super hoc puncto taliter nobiscum transigere, ut eum cultum in luis Ecclesiis admitterent, qui superstitionem fovet, Judaismum olet, cum ratione, & S. Scriptura non convenit, prout his prædicatis ritum Romanum in horis Canonicis dicendis pro fua scribendi modeftia exornat Boehmerus. Ita. palam faciunt protestantes, quod ne quidem in ipfo fanctissimo Religionis negotio decori rationem habeant. Possum proinde sine injuria Bæbmero, quod S. Augustinus Juliano, ob-

jicere: Es in disputatione loquacissimus, in contentione calumniosissimus, in professione fallacissimus. Nibil enim, quod dicas, inveniens, inania multa dicis. Lib. 4. Oper. imperf.

Agit etiam Bohmerus in b. t. J. 38.44 & feq. de Emancipatione Canonicorum, quæ in variis Cathedralibus Ecclesiis Germaniæ obtinet, dum scilicet Canonici juniores absolutis in aliqua Academia litterarum studiis (quod studiorum tempus vel ad Triennium, vel ad Biennium juxta cujuslibet Ecclesiæ morem, vel statutum extenditur) non prius Canonicorum numero cenferi, nec ad capitula admitti solent, quam solenni ritu (qui pro varietate Ecclefiarum variat) fuerint emancipati, seu à nexu scholæ liberati. Ritum hunc originem fuam à scholis capitularibus, in quibus olim juniores Canonici à Magistro, seniore quodam Canonico, qui propterea Scholufticus, Dom, Scholafter dicebatur, ducere, ex variis scriptoribus Ecclesiasticis probat J. 80. Unde jam quæri potest: an, si aliquis domicellaris absolutis studiis, ad quæ ex statutis Ecclesiæ suæ tenetur, in Doctorem Juris promoveatur, ac insuper suæ eruditionis publica specimina edat, legi emancipationis subjaceat, &, si eidem se subjicere renuat, propterea ex albo Canonicorum expungi, vel à capitulo excludi queat? Bœhmerus negative respondet; & mea quidem opinione, benè: si enim originem hujus emancipationis spectes, illa duntaxat locum habuit in Canonicis juvenibus, qui prius examinabantur à scholastico, & ubi inventi fuerunt habiles, cum testimonio habilitatis præsentabantur capitulo, ut ab eo emancipati, five à nexu H 2 fcho-

scholæ liberati, dehinc ad Capitulum admitterentur, quæ ratio cum adæquate ceffet in Canonico Doctorato, de cujus doctrina non modo publicum Universitatis testimonium extat, fed domestica quoque monumenta fidem faciunt, etiam hæc odiosa dispositio cessare debet. Præterea, talis Canonicus, qui per doctrinam suam jam inclaruit, plene fatisfecit SS. Canonibus, litterarium profectum à Canonicis exigentibus, ideoque similia statuta Capitularia tanquam odiofa potius restringenda ad casus communiter contingentes, quam ad hunc casum extraordinarium extendenda esse videntur. Pluribus aliis argumentis, quæ non defunt, congerendis consultò supersedeo.

Denique in hoc tit. à f. 107. usque ad finem Bohmerus instituit agere de Ordinibus Militaribus, quorum præcipui funt Templariorum, Hospitaliorum, & Teutonicorum, quorum initia, & progressus inquirit, & dicit, hos Ordines sua primordia debere superstitioni. Et tamen, quod mireris, huic superstitioni addicti esse amant protestantes, dum passim videas, eos Balivias vulgo Bas leven possidere, petere avide horum Ordinum alumnis adscribi, cum tamen non nesciant, nullos admitti, nisi, qui Monasticis tribus votis emissis Ecclesiæ & Religioni fidem, & subjectionem spondent, ipsumque S. Pontificem ceu caput Ordinis, & Ecclesiæ reverentur. Unde Voëtius, ex protestantium schola part. 2. Polit. Ecclef. lib. 4. tratt. 4. cap. 6. inter cætera ait, Evangelicos bona conscientia ad hos ordines adspirare non posse, quod nefas sit, Monachatui, qui his Ordinibus intextus est, nomen dare, aut Papz se subjicere, militiamque

Papæ profiteri. Quid autem Boehmerus? levi brachio excutit motiva\_ Voëtii. Nam, quod Ordines bi (ait 9. 125.) ex instituto quodam Papali, bierarchiam sapiente, descendant, protestantes baud ferit, utpote, qui non eadem intentione Ordinibus bisce se adjungunt, ut Papatum stabiliant, defendant, aut se eidem conforment, cum ab eo recesserint. Pulcherrime. Ergo Ordinem illum, qui principaliter in defensionem Ecclesiæ institutus est, quique milites suos non aliter in societatem admittit, nisi fub hoc pacto, ut Ecclesiam, ejusque caput defendant, esque obedientiam. spondeant, sie licet circumvenire? aut, hanc intentionem intentioni Ordinis è diametro oppositam excusa à fraude, si potes? Pergit ulterius: Nec ferit nos quòd sodalitia bee scopum, à nobis reprobatum babeant; sufficit, quod eum non babeant intuitu protestantium, qui ad bec accedunt, quippe, qui non dependent à Papa, nec independentiam quandam à Magistratu involvunt. Que ceremoniis, in iis usitatis, adherent superstitiones, tolerande sunt, cum mutari non possint, & in\_ plerisque aliis ceremoniis non desunt abusus, qui tamen boni publici causa dissimulari debent. Vota, qua hisce Ordinibus adherent, ad incommoda merito refero; sed si opinionem meriti adimis, quam protestantes utique fugiunt, ferenda, non abfolute reprobanda sunt. Quæro jam ex te, Bohmere, si sodalitia hæc, ut asseris, à vobis reprobata sunt, qua conscientia vestrûm aliquis, ejusmodi societati se adjungere ausit? Scripsisti in tua dissertatione de Jure circa Libertatem Conscientia, quod quis secundum principia, quæ agnoscit reprobata, salva conscientia agere non possit. Quomotiam ab errore absolvas, qui Ordini illi se adjungunt, qui falsis, & superstitiosis principiis regitur, & quorum falfitatem & superstitionem illi antecedenter agnoscunt? Quomodo ceremonias illas, quas ex lege Ordinis observare necesse est, illi tuta conscientia servent, quas seiunt esse superstitiosas? Quomodo vota Religionis placebunt DEO, quæ

-

t

G

\$

6

do jam protestantium illorum conscien- superstitiosis ritibus inquinata sunt, quæ tamen absolute reprobanda non esse afseris? Ecce sic DEO, sic tuis illudis. Recenta, fi fapis, quæ perperam hic scripsisti. Secundas babe partes modestie, quia primas non potuisti habere sapientia: & quia non valuisti omnia non pænitendæ diligenter dixisse, paniteat, que cognoveris, dicenda non fuisse. Hac tibi Augu-Itinus Epift. 141.

## S. IV.

## Quibus Privilegiis gaudeant Clerici? & quomodo Clericatus probari posit?

### SUMMARIA.

46. Quatuor sunt precipua privilegia Clericorum. 47. Quomodo acquirantur cum suis illationibus? 48. 49. 50. Tria dubia circa privilegium fori moveri solita resolvuntur. 51. Casus enumerantur, in quibus Clerici privilegio fori excidunt. 52. Quid sit privilegium Canonis, & que occasio eidem causam dederit? 53. 54. Hoc privilegio gaudent omnes Clerici, & Religiofi. 55. Ad incurrendam pænam Excommunicationis in d. cap. latam quid requiratur? 56. Qui in specie banc poenam incurrunt, recensentur. 57. Et qui non. 58. Quis possit ab bac censura absolvere? 59. Quomodo probetur Clericatus? 60. Quisnam judex sit competens in discutienda quastione Clericatus?

46 Nter varia privilegia, quæ Clericis à Jure leguntur concessa, quatuor eminent, videlicet privilegium for!, privilegium Canonis, privilegium competentie, privilegium immunitatis, ab oneribus tum personalibus, tum realibus. De privilegio fort, quatenus Clericum tam quo ad fuam personam, quam quo ad res suas eximit à foro, & jurisdictione judicis Laici, egimus in lib. 2. tit. 2. 9. 7. n. 44. 6 feg. Pro cujus materiæ complemento hic quædam adhuc dubia resolvemus. De privilegio competentia in Tit. de folutionibus, & de privilegio immunitatis in Tit. penult, b. l.

pleniori manu disseremus. Igitur in præsenti 6. privilegium Canonis specialiter expendendum proponitur, cui tamen generalia quædam circa acquisitionem privilegiorum recensitorum præmittimus.

Dico: Recensita privilegia acqui-49 runtur illis omnibus, qui vel per sacram ordinationem, vel per specialem deputationem, authoritate Superioris Ecclesiastici factam, Divinis obsequiis mancipantur: Ratio est, quod hac duplici via aliquis à statu Laicali transferatur ad statum Clericalem, ut suprà in f. r. n. 8. documus. Unde

H;